



KOMMUNE KUJALLEQ

TEKNIKEQARNERMUT AVATANGIISINULLU

INGERLATSIVIK

POSTBOKS 514, 3920 QAQORTOQ

TLF (+299) 70 41 00

WWW.KUJALLEQ.GL

Angerlarsimaffinnit eqqakkat pillugit maleruaqqusat
Kommune Kujalleq

2021

Titel Angerlarsimaffinnit eqqakkat pillugit maleruaqqusat
Kommune Kujalleq
2021

Uannga suliarineqarpoq: Teknikkeqarnermut Avatangiisinullu Ingerlatsivik, Qaqortoq
Inatsisisinut tunngasortai uannga misissorneqarput: Namminersorlutik Oqartussani Inatsiseqarnermut
Immikkoortortaq
Akuersisoq: Kommune Kujallermi Kommunalbestyrelse

Imai

§ 1 SIUNERTAQ.....	4
§ 2 SULLISSINERMI INATSIITIGUT TUNNGAVIGISAQ.....	4
§ 3 ATUUFFIA.....	4
§ 4 NASSUIAATIT.....	5
§ 5 PISUSSAAFFIIT PISINNAATITAAFFILLU.....	6
§ 6 AAQVISSUUSINERIT IMMIKKUT ITTUT.....	10
§ 7 NAKKUTILLINEQ AQUTSINERLU.....	10
§ 8 AKILIUTIT.....	11
§ 9 SAAFFIGINNINEQ NAAMMAGITTAALLIORNERLU.....	11
§ 10 UNIOQQUTITSINEQ KINGUNEQARTITSINERLU.....	12
§ 11 PIGINNAATITSINEQ.....	12
§ 12 ATULERNERA.....	12
§ 13 EQQAAVILERINEQ.....	13
§ 14 EQQAGASSAT ULORIANARTUT, ATORTUKUT SARFATORTUT AAMMA NILLATAARTITSIVIIT/QRITITSIVIIT.....	18
§ 15 EQQAGASSAT AMERLASOORSUIT KIISALU SANAARTORNERMIT EQQAGASSAT.....	21
§ 16 QISUIT EQQAKKAT.....	22
§ 17 NUNAMERNGIT MINGUTSITAANNGITSUT MINGUTSITALLU.....	24
§ 18 QAMUTIT MOTORILLIT UMIATSIALLU ATORUNNAARSUT.....	25
§ 19 EQQAKKAT ANGISUUT.....	27
§ 20 IGALAAMERNGIT QILLERTUUSALLU IGITASSAT.....	29
§ 21 TIGOORAAVIMMUT / ATOQQITASSANNGORTITSIVINNUT AAQVISSUUSINERIT.....	31

§ 1 SIUNERTAQ

Maleruaqqusani ukunani Kommune Kujallermi inoqarfinni angerlarsimaffinni igitanik katersinermi aaqjissuussinermi malittarisassat aalajangersarneqarput. Malittarisassani inuussutissarsiortut eqqagaannik pitsaasumik immikkoortiterineq, passussineq igitsinerlu qulakkeerneqassaaq.

Maleruaqqusani mingutsitsinerup eqqiluisaannginnerullu pinaveersaartinneqarnissaat aammalu angerlarsimaffinnit igitat atorluarneqarnissaannut nukinnik atuinerup annikillisarneqarnissaanut siuarsaanissaq siunertarineqarput.

§ 2 SULLISSINERMI INATSIITIGUT TUNNGAVIGISAQ

Maleruaqqusat inatsisit atuuttut tunngavigalugit suliarineqarput:

- 1) Avatangiisit innarlitsaaliorneqarnissaanik Inatsisartut inatsisaanni nr. 9, 22. november 2011-meersoq § 36, imm. 3
- 2) Igitassanik eqqaasarneq pillugu Namminersornerullutik Oqartussat nalunaarutaanni nr. 28, 17. september 1993-imeersumi § 18
- 3) Oliakunit akuutissanillu eqqagassat pillugit Namminersornerullutik Oqartussat nalunaarutaanni nr. 29, 17. september 1993-imeersumi § 17, imm. 1 aamm 2

§ 3 ATUUFFIA

Maleruaqqusat Kommune Kujallermi inoqarfinnut tamanut atuupput. Qaqortumi, illoqarfinni nunaqarfinnilu pissutsit sullissinerullu assigiinnginnerujussuat pissutigalugu immikkoortuni taakkunani pingasuni ileqqoreqqusat assigiinngissitaartinneqarput. Kommune tamakkerlugu immikkoortuni makkunani malittarisassat assigiit atuutsinneqarput:

- Qaqortoq
- Illoqarfiit (Nanortalik aamma Narsaq)
- Nunaqarfiit

Maleruaqqusani angerlarsimaffinnit Kommune Kujallermi eqqakkat tamarmik pineqarput, ukuli immikkoortut pinnagit:

- 1) Anartarfilerinermut malittarisassaaq, Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq naapertorlugu aamma Kommune Kujallermi Anartarfilerineq pillugu maleruaqqusatigut malittarisassaqartinneqartoq.
- 2) Eqqakkat radiup qinngornillit
- 3) Aallaasit imassaasat sakkullu politiiunut tunniussassat
- 4) Eqqagassat qaarsinnaasut, tuniniaasumut igitassanngortitassat. Eqqagassanik qaarsinnaasunik nassaartoqarsimappat politiit ingerlaannartumik attavigineqassapput.
- 5) Nakorsaatiit, nakorsaatiit sinnikui, peqqinnissaqarfiit eqqagaat ulorianaateqarsinnaasut, peqqinnissaqarfimmut tunniunneqartussat.

§ 4 NASSUIAATIT

Maleruaqqusani suussutsinik aalajangersaanerit atorineqartut, tassaapput inatsimmi atuuttumi, taaguutit ataasiakkaat pillugit inatsimmi tassani nassuiaatit aalajangersarneqarsimatillugit, nassuiaatigineqartut assingi.

Eqqakkat immikkoortitat ataasiakkaat nassuiaataat maleruaqqusani ukunani allassimapput, tassanilu aaqjissuussinerit ataasiakkaat allaaserineqartut. Maleruaqqusanut ukununga immikkut attuumassuteqartut nassuiaatit toqqakkat ataani allattugaapput:

Tikinneqarneranut aqqut	Eqqaavilerisut qamutaasa inissiffiisa eqqagassaasiviullu akornanni aqqut.
Angerlarsimaffinnit eqqakkat	Eqqagassat angerlarsimaffinni pilersinneqartut, tamatumunnga ilanngullugit anartarfiit imaat, eqqagassat angisuut aammalu eqqagassat suuneri najoqqutaralugit immikkoortitikkat atoqqitassat.
Eqqagassalerisoq	Eqqagassalerisoq tassaavoq immikkoortitereqqittartoq, aserortersartoq, naqitsisartoq, panersisartoq, agguisartoq, immikkoortitsisartoq, ingutserisartoq imaluunniit eqqagassanik poortueqqittartoq. Eqqakkanik passussinermut atatillugu eqqagassalerisup peqqinnissamut avatangiisinullu illersorneqarsinnaasumik passussinissaq akisussaaffigaa.
Eqqakkat immikkoortiteri	Eqqakkat immikkoortiteri tassaapput eqqakkani atortussiat ataatsimoortumik katitikkat immikkoortitikkat.
Eqqagassanik katersisartoq	Eqqakkanik katersisartoq eqqakkanik pilersitsisartumit arlalinnilluunniit allat akiligassaannik eqqakkanik katersisarpoq, taakkulu ikuallaasarfiliaattarlugit. Katersinermut atatillugu eqqakkanik pilersitsisartumiit eqqakkanik katersisartumut eqqakkanik immikkoortiterineq akisussaaffigitinneqalerpoq.
Eqqakkanik pilersitsisartoq	Angerlarsimaffinnit eqqakkanik suliaqarnermi angerlarsimaffik pilersitsisuuvoq.
Eqqakkanik assartuisartoq	Eqqakkanik assartuisartup eqqakkat allap akiligassaannik assartortarpei. Eqqakkanik assartuisartup eqqakkanik pilersitsisumit eqqakkat passussisarfiliaatissavai, eqqakkat eqqortumik immikkoortitersimanerisa akisussaaffigenera tigunngikkaluarlugu.
Innersuussisarnerit	Maleruaqqusat naapertorlugit aaqjissuussineq, eqqakkanik pilersitsisup kommuniq ileqqoreqqusaani aalajangersakkat malillugit eqqakkat passunneqarnissaat akisussaaffigaa.
Eqqagaasiviit	Tassaavoq, puussiarsuaq, eqqakkanut spandi, containeri mikisoq, skarnkase, puussiarsuarnut inissiivik, containeri uertittagaq assigisaalluunniit, eqqakkanik pilersitsisup illumini eqqakkanik katersivissatut atugaa.
Igitsisarneq	Suliaq sunaluunniit iluaqutissanngortitsiviunngitsoq.
Aggiussisarneq	Eqqagassanik pilersitsup nammineq eqqagassaatinik katersiviliaanniaraangagit aggiussamik aaqjissuussinertut taaneqartarpoq. Katersiviit nakkaatitsiviusut illoqarfimmi qitiusumik inissisimapput.

Toqqaannartumik atoqqitassat	Igitat annerusumik suliareqqinneqaratik atorineqaaqaarnermissut atorineqarsinnaasut.
Akiliutit	Inuinnaat eqqagassasiortuusut kommunip eqqagassanik anartarfillu imaannik katersisarneranut, anartarfiit tankiinik imaarsisarnermut, kiisalu eqqagassanik angisuunik katersisarnermut ilanngunnermut akiliuteqartussaapput. Inuinnaat eqqagassiorlut eqqagassat kommunit eqqagassaleriviinut iginneqarnerinut akinik aalajangersakkat naapertorlugit akiliisarput.
Eqqakkat atoqqinneqarsinnaasut	Eqqakkat, atoqqitassanngortitassatut immikkoortiternissaat teknikkikkut ajornaquteqanngitsut aaqqissuussinerni, Kalaallit Nunaanni imaluunniit Danmarkimi/nunani allani pilersinneqarsimasunut. Atoqqiinermit atortut sinneruttut atortunik nutaanik sananermut atugassianngortinneqartarput.
Aallertarneq	Eqqakkanik assartuisartuq eqqagassanik pilersitsisumut aalleraangat aallertarnermik aaqqissuussinermik taaneqartarpoq.
Inoqutigii	Inoqutigii pineqartillugit tassaapput, inissianik, illunik najugaqarfinnik piginnittut, attartortut atuisullu. Inoqutigii tassaapput ataatsimoortut, najugaqatigiiffimmi/najukkami ataatsimi ilaqutariissutsimut tunngasut eqqarsaatiginagit, inuit najugallit tamarmik
Qanoq pineqarnera	Katersineq, angallassineq, tiguisarneq, passussineq, atoqqitassanngortitsineq eqqakkanillu igitsisarneq.
Katersinermi atortut	Puut angallassissutillu suulluunniit, eqqakkanik katersuinermit angallassinermilu atorineqartut
Katersuisarneq	Maleruaqqusani aalajangersakkat naapertorlugit aaqqissuussineq, eqqakkanik pilersitsisartuq eqqakkaminik kommunimut tunniussilluni, eqqakkallu passunneqarnissaannut tamakkiisumik kommune akisussaattillugu.
Aallaavigisaanni eqqagassanik immikkoortiterisarneq	Eqqakkat immikkoortiterneqassapput aallaavigisaanniit (eqqakkanik pilersitsisumit imaluunniit tassunga sapinngisamik qanittumit, eqqakkanillu tigooraavik sioqqullugu) immikkoortunut assigiinngitsunut, assersuutigalugu savimerngit, papit igalaamerngillu.
Tigooraavik	Eqqakkanut toqqorsisarfiit, ikualaasarfiit, passussiviit aamma/imaluunniit nutaatut atoqqitassanngorlugit suliareqqiisarfiit.
Inissiiviit	Eqqagassanut inaalitsivinnik containerinillu inissiiviit

§ 5 PISUSSAAFFIIT PISINNAATITA AFFILLU

§ 5.1 ATUISUSSAATITAANEQ

Eqqakkanik pilersitsisartut tamarmik, qulaani nassuiaatigineqartoq naapertorlugu, maleruaqqusanut ukununga ilaatinneqarput, aaqqissuussinerillu maleruaqqusani matumani tunngasuni aalajangersarneqartunik atuisussaattitaallutik.

Eqqakkat maleruagassani allaaserineqanngitsut pillugit, inoqutigiit ataasiakkaat/eqqagassanik pilersuisut Kommunalbestyrelsimut saaffiginnissapput taakkulu igitsinissamut erseqqissumik innersuussuteqassapput. Taamatut pisoqartillugu eqqakkanik pilersuisut Kommunalbestyrelsip innersuussutaanik malinnittussaataapput, eqqakkanillu suliarinninnissamut akisussaasuullutik, tamatumunnga ilanngullugu suuneri apeqqutaatillugit immikkoortiterisinnaaneq. Eqqakkanik pilersitsisup igitsinermi imaluunniit allatut suliarinninnermini aningaasartuutinik akiliisussaataaneq aamma pisussaaffigaa. Eqqakkanik pilersuisup akisussaaffia atorunnaassaaq, eqqakkat tigooraavimmut, eqqakkanik katersisartumut, eqqakkanik passussisartumut akuerisamut tunniunneqareepata.

Eqqakkat asimi pilersinneqartut kommunip inoqarfiisa ilaannut ingerlanneqassapput umiarsualivimmilu tigooraavinnut iginneqassallutik, imm. naapertorlugu umiarsualivinni tigooraaviit, kommunip eqqagassaleriviinut imaluunniit eqqakkanik pilersitsisup suliffeqarfiutaata eqqaanut. Eqqakkat suliarineqassapput maleruagassani matumani aaqqissuussinerit pillugit allaaserisat naapertorlugit.

Eqqakkanik silami ikuallaaneq inerteqqutaavoq.

Eqqakkanik kommunip tigooraaviani tigusinermi, eqqakkanik tunniussisoq tamatigut ingerlatsinermut sulisumut saaffiginnittassaaq, eqqakkat sumut innersuunneqarnissaat eqqarsaatigalugu. Ingerlatsinermut sulisup innersuussutai tamatigut malinneqartassapput

§ 5.2 IMMIKKOORTITERISUSSAATITAANEQ

Kommunalbestyrelsip aalajangersassavaa immikkoortut sorliit katersuinerimut innersuussinermullu aaqqissuussinermut ilaatinneqassanersut. Eqqakkanik pilersitsisartoq eqqakkanik immikkoortiterisussaataavoq, aaqqissuussinerni ataasiakkaani allassimasut naapertorlugit. Eqqakkat immikkoortunut sorlernut iginneqassanersut nalornissutigineqarpat, suliamut tunngatillugu Kommunalbestyrelse aalajangiisuussaaq.

Eqqakkat immikkoortut, maleruagassap matumani aaqqissuussinernut imaluunniit inatsimmi iluarsii summi ilaatinneqanngitsut, suussusilersornissaat erseqqissumillu innersuussissutigineqarnissaat eqqarsaatigalugu kommunalbestyrelsimut nalunaarutigineqassapput. Eqqakkat qanoq passunneqassanersut iginneqassanersullu, Kommunalbestyrelsip aalajangissavaa.

Eqqakkat ulorianaatillit pineqarpata, Namminersornerullutik Oqartussat uuliamik kemikalienillu igitsisarneq pillugu nalunaarutaannut ilaatinneqanngitsut, aammalu nalunaarummi ilanngussaq 1-imi 2-milu taaneqartunut sanilliunneqarsinnaasut pillugit, suliap aalajangiiffigineqarnissaa anguniarlugu Kommunalbestyrelsip Avatangiisinut Pinngortitamullu Naalakkersuisoqarfik attavigissavaa.

§ 5.3 AKILIISUSSAATITAANEQ

Eqqakkanik pilersitsisartut tamarmik kommunip eqqakkanik passussisarnerani aningaasartuutinut tamanut akiliisussaataapput.

Eqqagassalerinermut akit kommunip akinik nalunaarsuiffianiippat. Kommunip akinik allattuiffia kommunip nittartagaani pissarsiarineqarsinnaavoq imaluunniit Sullissivimmut piniarneqarsinnaalluni kiisalu Teknikkeqarfimut saaffiginnilluni pissarsiarineqarsinnaalluni.

Eqqakkanik pilersitsisup immikkoortiterisussaataaneq malinngippagu, eqqakkanik pilersitsisoq kukkusumik immikkoortiterismanermut akiliutissamik akiliisussaataavoq, akit allattorsimaffiat atuuttoq naapertorlugit.

Eqqagassanik pilersitsisut suliffeqarfiup biilii atorlugit inoqutigiinnit eqqagassanik angisuunik igitsisut inuussutissarsiornikkut sullinneqartutut naatsorsuunneqartarput, taamaalillunilu akit allattorsimaffii atuuttut naapertorlugit akileeqquneqassallutik, apeqqutaatinnagu igitsisut ilisimatitsinikuunersut imaluunniit isumaqarnersut eqqagassat inoqutigiinnit ataasiakkaanit arlalinniluunniit eqqagassanersut. Eqqagassat

suussusilersugaanerat assigiinngissuteqarpat qamutit nalunaarsimanerinit uppersaasatit kommunimit piumasarineqarsinnaapput.

§ 5.4 ILISIMATITSISSUTAATITAANEQ

Eqqakkanik pilersitsisartut kommunalbestyrelsip peqqusineratigut, maleruagassani matumani malittarisassat naapertorlugit eqqagassat iginneqarnerinik uppersaasussaataapput.

Kommunalbestyrelse eqqagassat katitigaanerat pillugu paasissutissanik eqqagassanik pilersitsisumiit piunasaqarsinnaatitaavoq.

§ 5.5 NALUNAARUTIGINNITTUSSAATITAANEQ

Eqqagassanik pilersitsisartut tamarmik eqqakkat mingutsitsinermik kinguneqartitsisillugit nalunaaruteqartussaataapput. Nalunaarut Teknikkimut Avatangiisinullu Ingerlatsivimmum tunniunneqassaaq.

Illuliormi igitat, nutaamik illuliormi, allangortiterinermi nutarterinermilu aammalu innuttaasut namminneq isaterinerini igitat, Teknikkimut Avatangiisinullu Ingerlatsivimmum nalunaarutiginneqassapput, igitat sapaatip akunneranut 50 m³ sinneqarpata. Aammattaaq, suliami ataatsimi sanaartorneq tamakkerlugu, qanorluunniit sapaatip akunneranut eqqakkat pilersinneqartut amerlatigigaluarpata, eqqakkat ataatsimut katillugit 100 m³ qaangerpatigut nalunaaruteqartoqassaaq. Nalunaaruteqarneq pissaaq sanaartukkanit eqqakkanik nalunaaruteqarnermi immersugassatut atugassaaq immersorlugu. Skema kommunip nittartagaanit aaneqarsinnaavoq imaluunniit Teknikkeqarfimmum pissarsiariniarneqarsinnaalluni.

§ 5.6 ISERTARFIIT

Inoqutigiit eqqaavii kommunimit aaneqartartut ukioq kaajallallugu tikikkuminarnissaat, ersarissuunissaat akornuteqaranilu orninneqarsinnaanissaat inoqutigiit pisussaaffigaat.

Kommunalbestyrelsip piumasarisinnaavaa uninngatitsiviit aqquserngup eqqaanut inissinneqassasut, aammalu aqqusinermit aqquteeqqamilluunniit inissisimanerata ungasinnerpaaffissaa aalajangersarsinnaallugu.

Inoqutigiit aqqusinermit nalinginnaasunit avinngarusimappata qamutitik motorilinnik aqqut usisaassuarnit aqqutiginneqarsinnaassaaq, aammalu 350 cm-inik silissuseqarluni 400 cm-inillu portussuseqarluni aporfissaqassanani.

Eqqagassaasiviup akornuteqanngitsumik tikinneqarsinnaanera illumik piginnittup akisussaaffigaa. Eqqagassaasivimmum aqqut taassumalu eqqaa torersarsimassapput ukiukkullu aputeqaratillu sermeqassanatik. Puussiat eqqagaasiviillu qerrutinnginnissaat allatulluunniit peeruminaallinnginnissaat illumik piginnittup akisussaaffigaa.

Illut nutaat atorneqaleranni, imaluunniit eqqagassaasivinnik nutaanik ikkussisoqarsimatillugu eqqagassaasiviit tummeqatigooqqaarnani tikinneqarsinnaanngorlugit inissinneqassapput.

Angerlarsimaffinnissaaq eqqagassaasivinnik inissiinermi piunasaqaatit makku malinneqassapput:

- Inoqutigiit ataasiinaanngitsumik eqqagassasiveqarpata taakku ataatsimuussapput.
- Eqqaavinnut aqqut minnerpaamik 90 cm-inik silissuseqassaaq 220 cm-iterinillu portussuseqassalluni.
- Aqqutaa qaammaqquteqarluassaaq. Tassa eqqaavilerisoq sumiissusersiorsinnaassaaq, inuit suullu nalinginnaat takusinnaassallugit aammalu nunap aqqullunneri kiisalu eqqagassaasiviup toqqammavia maluginnaassallugit.

- Matut, ungallut matui isaarissallu isummaminnik matusartuussanngillat.
- Eqqaavimmuut aqquut inioqqavinnit, biillinit uninngasunit sikkilinit allanilu asserneqassanngilaq.
- Eqqakkanik aallarnerup nalaani eqqaaviisivimmuut aqquut qimmeqassanngilaq.

Eqqagassaasiviit ima inissinneqassappuut inissiani inuussutissarsiteqarfinnilu qanittumiittuni tipiliornermik akornuserneqannginngissaat qulakkeerneqassalluni.

§ 5.7 EQQAKKAT TOQQORTARINEQARTARNERAT

Eqqakkanik uninngatitsinermi akulerussuinissaq pitsaasumillu ajornerulersitsinissaq, kingusinnerusukkullu suliarinnissamut ajornarnerulersitsisoqannginnissaa, eqqakkanik pilersitsisup qulakkiissallugu pisussaaffigaa.

Eqqakkat isumannaatsumik toqqortarineqassappuut, taamaasilluni mingutsitsineq eqqiluisaannginnerlu pinaveersaartinneqassammata.

Eqqakkanik pilersitsisartup taamaasilluni qulakkiissavaa eqqakkat anorimit tingittuunnginnissaat, aammalu uninngatitsiviit uumasunit akornutaasinnaasunit, qimminit tulukkanillu ussagarneqarsinnaanerit minnerpaaffianiitsinneqarnissaa.

Eqqakkanik pilersitsisartup uninngatitsiviit eqqartartussaavai, taamaasilluni eqqakkat kingusinnerusukkut assartorneqarneranni tipiliorfiussanngimmat.

Eqqakkanik ulorianartunik toqqortarinninnerup nalaani mingutsitsisoqalissagaluarpata, tamanna erngerlugu Teknikkeqarfimmuut nalunaarutigineqassaaq.

Eqqakkat uninngatinneqartut mingutsitsinissamut, eqqiluisaannginnermut allatulluunniit serlersaarinnissamut pissutissaqartinneqarpata, ingerlaannartumik suujunnaarsinneqarnissaat pillugu Kommunalbestyrelsi aalajangersinnaavaa.

Kommunalbestyrelsi aalajangissavaa Avatangiisit illersorneqarnissaat pillugu Inatsisartut inatsisaat nr. 9, 22. novembari 2011-meersumi § 36 naapertorlugu suut eqqakkatut isigineqassanersut isigineqassannginnersulluunniit.

§ 5.8 SALIGAATSUUTITSINEQ

Eqqagassanik sunilluunniit sumiiffinnut inuit nammineq pigisaannut imaluunniit kikkulluunniit tikittagaannut igitsisoqassanngilaq.

Illuutilit pisussaappuut illumik avasinnerpaaffianiit avammut 25 meterit iluanni imaluunniit sanilerisamut ungasissusiata affaanut ungasissusillup iluani akuttunngitsumik salisarnissaminnut.

Illut pinnguartarfittaqarpata assigisaannilluunniit sanaartorfiusimappata taakku salinneqartarnissaat aamma piginnittup pisussaaffigaa.

Illumik piginnittoq eqqagassanik illumit tassannga pisunik igitseqqullugu kommunalbestyrelsimiit peqquneqarsinnaavoq.

Ukiup tamaasa aputaareernerani kommunimi inoqarfinni tamani silami inuit namminerisaanni kikkulluunniillu tikittagaanni kommunalbestyrelsi salisitsisarpoq. Saliineq tusagassiutitigut saqqummiunneqartarpoq. Saliinissamik nalunaaruteqartoqartillugu illumik piginnittut tamarmik illumik eqqaanni salinissamut pisussaappuut. Eqqakkat katersukkat aqqusinermut qaninnermut containerimulluunniit eqqaavimmuut kommunalbestyrelsi nalunaarutai naapertorlugit inissinneqarsinnaappuut, taakkulu iginneqarnissaat kommunalbestyrelsi isumagitissavaa.

§ 5.9 EQQAGASSANIK ASSARTUINEQ

Eqqakkanik angallassisartut qulakkeertussaavaat eqqakkanik toqqortarinninneq angallasserlu peqqinnissaq avatangiisillu eqqarsaatigalugit illersorneqarsinnaasumik, maleruagassanilu malittarisassat naapertorlugit isumagineqassasut.

Biilit angissusaat, eqqakkanik angallassisut, eqqakkat annertussussaannut suunerinullu naleqquttuussapput. Aamma ima usilersorneqassapput, eqqakkat nikissinnaajunnaarlugit imaluunniit angallanneqarnerini nakkaasinnaajunnaarlugit.

Eqqakkat uninngatitsivinni biilinillu angallanneqassapput, eqqakkat tinginnaveerlugit, eqqakkallu katersornerini angallannerinilu imerpalasut aqqusinerlut kusersinnaajunnaarlugit. Angallasserlu eqqakkat siammaannariaanngitsut imerpalasulluunniit mingutsitsissagaluarpata, eqqakkanik angallassisoq ingerlaannaq katersisussaallunilu aamma/imaluunniit saliusussaataavoq, aammalu mingutsitsineq pillugu Teknikkeqarfimmut nalunaaruteqartussaataavoq.

Eqqakkanik angallassisartut katersisartullu eqqortumik uppersaateqarnermikkut kommunimi nakkutilliisut eqqakkanik angallassisup eqqakkanik passussineranik, tamatumunnga ilanngullugit atortut, katersinerup akulikissusianik, imarisaanik eqqakkallu suminggaanneerfiinik, nalunaarsorneqarnerinik il.il. misissuisitsisussaataapput.

§ 6 AAQISSUUSSINERIT IMMIKKUT ITTUT

§ 6.1 UMIARSUALIVINNI EQQAGASSANIK TIGOORAASARNEQ

Umiarsualiviit umiarsuarnit, suliaqarfinit qillerveqarfinniillu eqqakkanut tigooraavinnik pilersitsisussaataapput, maleruagassanik ukunani malittarisassat naapertorlugit. Tigooraavinnik pilersitsisoqartussaavoq, taamaasillutik eqqakkat umiarsualivimmi suuneri apeqquaatillugit immikkoortiterneqarniassammata, kingusinnerusukkut kommunip aqqissuussinerinut, maleruagassanik matumani allaaserisatut iginneqarniassammata.

Umiarsualivimmi tigooraavimmit kommunip tigooraaviinut eqqakkanik igitsinerlut atillugu umiarsualivik tassaavoq eqqakkanik pilersitsisusooq, taamaasillunilu maleruagassanik matumani malittarisassanik malinnittussaataavoq.

§ 6.2 INEQARFIIT EQQAANNI EQQAGASSANIK TIGOORAAVIIT

Maleruagassanik ukunani malittarisassat naapertorlugit inissiatileqatigiiffiup illuutaasa eqqaanni eqqagassanik tigooraavilornissamut inissiatileqatigiit pisussaaffeqarput. Tigooraavinnik pilersitsisoqartussaavoq, taamaasillutik eqqakkat inissiatileqatigiit najugaqarfiutaani suuneri apeqquaatillugit immikkoortiterneqarniassammata, kingusinnerusukkut kommunip aqqissuussinerinut, maleruagassanik matumani allaaserisatut iginneqarniassammata.

Ineqarfimmi tigooraavimmit kommunip tigooraaviinut eqqakkanik igitsinerlut atillugu inissiatileqatigiiffik tassaavoq eqqakkanik pilersitsisusooq, taamaasillunilu maleruagassanik ukunani malittarisassanik malinnittussaataavoq.

§ 7 NAKKUTILLINEQ AQUTSINERLU

Eqqakkat inatsisit atuuttut aammalu maleruagassanik ukunani aalajangersakkat naapertorlugit passunneqarnissaannik, toqqortarinnissaannik iginneqartarnissaannillu aqutseqqullugu nakkutilleeqqullugulu Teknikkimut Avatangiisinullu Ingerlatsivik kommunalbestyrelsimiit pisinnaatinnearpoq.

Kommunalbestyrelse Avatangiisit illersorneqarnissaannik Inatsisartut inatsisaat nr. 9, 22. november 2011-imeersumi

1, 25. januaari 2019-imeersoq, kap. Igitassanik eqqaasarneq pillugu Namminersornerullutik Oqartussat nalunaarutaanni nr. 28, 17. september 1993-imeersumi § 18 7,) Uuliakunit akuutissanillu eqqagassat pillugit Namminersornerullutik Oqartussat nalunaarutaat nr. 29 17. september 1993-imeersoq. 6.

Peqqusissut imaluunniit inerteqqut piffissaliunneqartup iluani malinneqanngippat, akisussaasup akiligaanik suliaasaq Kommunalbestyrelsip suliaritissinnaavaa. Mingutsitsineq, taassumaluunniit siammarnarunissaa, pinngitsoortikkumallugu erngeluni iliuuseqarnissaq pisariaqarpit kommunalbestyrelse peqquseqqaanngikkaluarluni aammalu akisussaasumut akiligassiilluni iliuuseqarsinnaatitaavoq, tak. Avatangiisit illersorneqarnissaannik Inatsisartut inatsisaanni nr. 9, 22. november 2011-imeersumi § 51. Taama pinasuartumik iliuuseqarneq allakkatigut aalajangiinermik tamatigut malitseqartassaaq.

Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersumi § 47 naapertorlugu eqqakkanik pilersitsisartut kommunip nakkutillisuinut inoqtigiit eqqagassaataannik passussinissamut isersinnaatitsissapput.

§ 8 AKILIUTIT

Eqqakkanik pilersitsisartut tamarmik kommunip eqqakkanik passussisarnerani aningaasartuutitut tamanut akiliisussaataapput.

Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersoq § 39 naapertorlugu Kommunalbestyrelse akiliutigittagassanik aalajangersaasarpoq. Akiliutigittakkat qanoq amerlatiginissaat ukiumut ataasiarlutik akuersissutigineqartassapput. Akiliutigittagassat amerlassusissaat akuersissutigineqareerpata Kommunalbestyrelsip akit najukkami nalunaarutigissavaa.

Eqqagassalerinermut akit kommunip akinik nalunaarsuiffianiippat. Kommunip sullissinerinut akiliutit qaqugukkulluunniit atuuttut kommunip nittartagaanit aaneqarsinnaapput imaluunniit Teknikkeqarfimmu Sullissivimmulluunniit saaffiginnikkut pissarsiarineqarsinnaallutik.

Aaqqissuussinerit immikkuullarissut saniatigut, soorlu eqqakkanik katersinermi akiliutigittakkanut tunngatillugu Kommunalbestyrelse kommunip pilersarusiorneranut allaffissorneranullu, maleruaqqusiornerannut allanullu matussutissaanut akiliuteqartitsinnaavoq.

Assersuutigalugu eqqagassalerinermut ilaasutut nalunaarsimasunut qaammatit pingasukkaarlugit akiligassiisoqartarpoq.

§ 9 SAAFFIGINNINEQ NAAMMAGITTAALLIORNERLU

Maleruaqqusani aalajangersakkat taakkulu atortinneqarneri pillugit saaffiginnisutit naammagittaalliutillu Kommunalbestyrelsimut suliami aalajangiisussaataasumut ingerlatinneqassapput.

Kommunalbestyrelsip aalajangiineri naammagittaalliutigineqarsinnaapput uunga: Avatangiisit pillugit Naammagittaalliuteqartarfik c/o Siunnersuisoqatigiinnut Aalajangiisartunullu Aqutsisoqarfik, Postboks 689, 3900 Nuuk. Naammagittaalliuteqarnissamut sapaatit akunneri arfinillit piffissaritinneqarput, kommunalbestyrelsip aalajangernerminik naammagittaalliuteqartumut ullormi nalunaaruteqarfianiit.

§ 10 UNIOQQUTITSINEQ KINGUNEQARTITSINERLU

Maleruaqqusani ukunani malittarisassanik unioqqutitsineq imaluunniit maleruagassat uku pillugit peqqusinernik inerteqquteqarnermilluunniit unioqqutitsineq, akiligassiissuteqarnermik kinguneqartitsissutigineqassaaq, Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersumi § 25, nr. 3, aamma Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 18, nr. 3 kiisalu § 66, imm. 1 nr. aammalu Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi naapertorlugit.

§ 11 PIGINNAATITSINEQ

Kommunalbestyrelsip Teknikkimut Avatangiisinullu Ingerlatsivik makkununga piginnaatippaa:

- Maleruagassat uku naapertorlugit oqartussatut aalajangiisarnissamut
- eqqagassalerineq pillugu aqqissuussinerit ingerlanneqarnissaat qularnaarniarlugu isumaqatigiissuteqartarnissamut
- nalunaarfissaliornermut, maleruagassanik malittarisassanut atatillugu suleriaasissiornermut ileqqoreqqusaliornermullu

§ 12 ATULERNERA

XX-XX-XXXX maleruagassat atuutilissapput.

Maleruaqqusat uku atulernerit ilutigalugu makku atorunnaarsinneqarput:

- 1) Angerlarsimaffinniit igitassat pillugit maleruagassat, Kommune Kujalleq, 2020

Kommune Kujallermi kommunalbestyrelsimit akuerineqartut ulloq: XX-XX-XXXX

Kista P. Isaksen
Borgmesteri

Dorthe Bidstrup
Pisortaanerugallartoq

§ 13 EQQAVALERINEQ

§ 13.1 EQQAGASSALERINEQ SUNAAVA?

Eqqagassat nalinginnaasut tassaapput angerlarsimaffinni eqqagassat kommunimi malittarisassat malillugit immikkoortiterneqareeraangata sinneruttartut.

Eqqagassat nalinginnaasut assersuutigalugu tassaapput:

- nammineq atugassanik piniarnermit sinnikut
- saniit
- inuup eqqiluisaarnernut atortut ass., nangit, nalequttat il. il.
- iggavimmiit igitassat, soorlu nerisassat sinnikui
- puukut annikinneruut, soorlu juicemut immunnulu puukut aammalu pappiaqqat il.il.

§ 13.2 AAQQUSSUUSQAQ KIKKUNNUT ATUUPPA?

Aaqqissuussineq kommunimi inoqutigiit illuinut tamanut, illuaqqanut aasarsiorfittut allatullu atorneqartunut kiisalu kommunimi illoqarfinnut nunaqarfinnulu tamanut atuulluni.

§ 13.3 AAQQUSSUUSSINERMUT NASSUIAAT

Aaqqissuussineq eqqagassanik aallernermik ingerlanneqartarpoq, eqqagassat illuni ataasiakkaani imaluunniit inissianit arlariinneersut, illuaqqani aasarsiorfannit il. katersuunneqartarput taakkulu aaneqartarlutik.

Sumiiffiit ilaannit kommunimi sulisut katersisarput, allanili eqqakkanik katersisartut namminersorlutik suliffiutillit katersisarlutik.

Inissiaatileqatigiiffiit eqqaavinnut inaalitsivinnik, eqqakkanut igitsivinnik sullulianik, containerinik ataatsimoorussanik assigisaannilluunniit illumik piginnittup illuutaani inoqutigiinnut ataasiakkaanut peqartitsisussaataavaoq, aammalu kommunimut imaluunniit namminersorluni suliffiutilimmut aaqqissuussinermut peqataaniarluni nalunaartussaataalluni. Eqqagassat passunneqarnerannut, toqqortarineqarnerannut iginneqartanerannulu malittarisassat najugaqarfinni malinneqarnissaat inissiaatileqatigiiffiup qularnaagassaraa. Inoqutigiit ataasiakkaat eqqakkanik aaqqissuussinerit inissiaatileqatigiiffiup atorumasai atortussaataavaat, aammalu eqqakkat suuneri naapertorlugit immikkoortiterisussaataanermi malittarisassat atuuttut malittussaallugit.

§ 13.4 EQQAGAASIVIIT

"Nammineq illuutillit, inissiaatileqatigiiffimmit immikkut aaqqissuteqarfigineqarsimasumi najugaqanngikkunik, namminneq akilikkanik eqqaavinnik pissarsinissamut aserfallatsaaliinissamullu pisussaaffeqarput. Tak. imm. 1.3. Imaarsinerit marluk akornanni eqqagassaasiviit ulikkaarpallaarsimanginnissaat eqqagassanik pilersitsisup qularnaagassaraa.

Eqqagaasiviit imatut ilusilersugaassapput imalu pitsaatigissallutik imarisaat uumasunit akornutaasinnaasunit, qimminit tulukkanillu pineqarsinnaassanatik.

Eqqagassaasiviup qanoq ittuussusia aamma illoqarfimmi Teknikkeqarfimmit akuerineqarsimasussaavaoq. Kommunalbestyrelsip eqqagaasivimmik ataatsimik arlalinnilluunniit aalajangersimasunik atuisoqarnissaa peqqussutigisinnaavaa.

Eqqagassaasiviit puussialertakkat atorneqarpata kommunip tunniussai imaluunniit akuerisai kisiisa atorneqassapput.

Inoqutigiit isumagisassaraat eqqagassaassiviit naammattumik angissuseqassasut, aammalu eqqagassassaassiviit imaarsinerit marluk akornanni ulikkaarpallaannginnissaat. Eqqagassaassiviit arlaleriarlutik ulikkaarpallaarneqartarpata kommunip illumik piginnittoq peqqusinnaavaa eqqagassaassiviit amerlineqarnissaat nalunaarutigeqqullugu.

§ 13.5 EQQAGAASIVINNIK INISSINEQ

Eqqagassaassiviit tikikkuminartumik, ersarissumik ukiorlu kaajallallugu eqqagassalerisunit akornutaanngitsumik orninneqarsinnaasumik inissinneqassapput. Aamma eqqaavilerisup imaarsiniarnermini peqqissutsikkut isumannaallisaanikkullu illersorneqarsinnaanissaa inissiinermi qularnaarneqassaaq.

§ 5.6 AQQUTISSAT aamma takuuk

§ 13.6 EQQAGAASIVIIT ATORNEQARNERAT IMMERNEQARTARNERALLU

Eqqagassassaassiviit imaarsinerit marluk akornanni ulikkaarpallaannginnissaat eqqagassallu eqqaaviisivinni kiggeqqannginnissaat inoqutigiit isumagisassaraat Eqqaaviit matui matulluarsinnaassapput silaannaq, imeq, sermeq, qaarsoq issorlu mingutsinneqartussaajunnaarlugit, aammalu uumasunit pineqarsinnaajunnaarlugit. Eqqagassaassiviit arlaleriarlutik ulikkaarpallaarneqartarpata kommune eqqagassaassiviit amerlineqarnissaannik peqqussuteqarsinnaavoq. Inissiaqarfinni eqqagassalerineq eqqarsaatigalugu inissiaatileqatigiiffik tamatumunnga akisussaavoq.

Eqqaaviit ulikkaaqqavallaarpata eqqagassanik assartuisartut imaarsinngiinnarsinnaapput.

Puussiat containerillu imm § 13.1.-imi nassuiaatigineqartut naapertorlugit eqqakkanik taamaallaat immerneqassapput. Inaalitsivik eqqakkat immikkoortiteriikkat saniatigut allanik immerneqarsimappat, Teknikkimut Avatangiisinullu Ingerlatsiviup eqqagassanik pilersitsisoq saaffigissavaa immikkoortiterisussaataitanermi malittarisassat atuuttut maleqqullugit. Kukkusumik immikkoortiterisoqaannavippat, suliamut tunngatillugu Kommunalbestyrelse naalakkiuteqarsinnaavoq, matumani imm. § 10 unioqutitsinermi kinguneqartitsinermilu malittarisassat innersuussutigalugit.

Eqqakkat kukkusumik immikkoortitikkat tigunissaannut eqqagassalerisoq pisussaangilaq, taamaaliussagunili eqqakkat sooq tigussannginnerlugit inoqutigiit ilisimatissavai.

Paaq, arsakut ikumanerlukullu eqqaaviisivimmut inissinneqartigatik nillorluinnarsimassapput poortorneqarsimassallutillu.

Suut ipittut, kilernarsinnaasut, kiisalu eqqakkat pujoralattut, isugutattut mingutuullu eqqaavimmut inissinneqannginnerminni isumannaatsumik poorneqarsimassapput, taamaalilluni inunnik pussiarsuarmilluunniit/eqqaavimmilluunniit ajoqusiisinnaassanatik.

Eqqagassat masattut isumannaatsumik poortorneqassapput, eqqaavimmi imeq qerinnginniassammat taamatullu eqqaaviup qerrutinnnginnissaa taarsernissaanullu ajornannginnissaa anguniarlugu.

Puussianut inaalitsiviit atorneqarpata, taakku annerpaamik puussiami immiinermi killissatut titarnerup nalaanut immerneqassapput. Puussiat immernissaanut killilerneqanngitsut atorneqarpata matusinnaajunnaarlugu ulikkaarpallaarneqassanngilaq.

Puut ulikkaartut 20 kg-nit oqimaannerussanngillat.

§ 13.6.1 IMMICKUT EQQAGASSAT

Inoqutigiit eqqagassarpassuaqarpata Sullissivimmiit pussiarsisoqarsinnaavoq allassimasunik "Immikkut igitassat".

Saniatigut puut immikkat "Immikkut eqqagassat"-nik naqissimasut eqqakkat nalinginnaasumik aaneqartarfiinut inissineqassapput ullormilu eqqaaviit imaarneqarfiini tiguneqassallutik. Puut immikkat "Immikkut eqqagassat"-nik naqissimasut akii akit allassimaffiini atuuttuni allassimapput.

Eqqagassat aaneqarnissaannut aqaguppat siusinnerpaamik unnukkat inississinnaavatit, ullorlu aaneqarfissaanni kingusinnerpaamik nal. 7.00 inissillugit.

Eqqakkat aaneqarnissamik tungaannut inoqutigiinnit akisussaaffigineqarput.

§ 13.7 SALIGAATSUUTITSINEQ

Eqqakkanik pilersitsisartup eqqagassaasiviit pitsaasuunissaat saligaatsuunissaallu pisussaaffigaa. Eqqagassaasiviit pisariaqartitsineq naapertorlugu asanneqartassapput, taamaasilluni eqqaani tipiliortoqannginniassammat.

Eqqagassaasiviit inaat pitsaasuullunilu saligaatsuutinneqassaaq.

Eqqakkanik uninngatitsineq mingutsitsinermik, eqqiluisaannginnermik imaluunniit uumasuarsunnik pilersitsinermik kinguneqassanngilaq.

Inissiaqarfinni eqqakkanut aaqqissuussinerit inissiaatileqatigiiffiup eqqiluisaartinnissai akisussaaffigai.

§ 13.8 AALLERNEQ

Eqqakkat nalinginnaasut inoqutigiinnit sapaatit akunnerannut ataasiarluni aaneqartassapput. Sapaatip akunnerani ulluni aalajangersimasuni nal. 7.00 aamma nal. 18.00 aallertoqartassaaq.

Apriliip 1-anit oktobarip 1-anut aasarsiortarfinniit, illuaqqaniit allaniillu eqqagassanik aallerneq ulluinnarni piffissami aalajangersimasumi nal. 7.00 aamma 18.00 akornanni pisarpoq.

Aasaanerani illuaqqatut atortut, illuaqqat sukisaarsaarfiit il. il. eqqagassanik aallerfigineqartarnissamut ukioq kaajallallugu periarfissaavoq.

Kommunalbestyrelsip pisariaqartutut nalilerpugu allagaqaatinngorlugu aasaanerani illuaqqat, illuaqqat sukisaarsaarfiit il. il. nalinginnaasumik eqqagassanik aallerfigineqartarnissaanik nalunaarutigineqarsinnaapput.

Utoqqalinersiallit aammalu siusinaartumik pensionisiallit namminerisaminnik illullit eqqagassaatikippallaartarunik immikkut akuersinikkut ullut 14-ikkaarlugit eqqaavii imaarneqartarsinnaapput.

Ullut aallerfiusussat eqqagassalerineri aaqqissuussinerit peqataaniarluni nalunaaruteqarnermi paasissutissiissutigineqassapput imaluunniit Teknikkimut Avatangiisinullu Ingerlatsivimmut imaluunniit eqqakkanik katersisartumut nalunaaruteqarnikkut.

Ullut aallerfiusussat kinguaattoorfiugallarsinnaasarput nalliuttut, sila (aput, sermeq, anorersuaq il. il.) peqqutigalugit.

Sila peqqutigalugu eqqagassat ullut tulleriaat aaneqarsimanngippata piffissami nalinginnaasumik aallertoqartarnerani tulluuttumi eqqagassat aallerfissami siuliineersuugaluartut ilanngullugit tiguneqassapput qaavatigut akiliisitsisoqarani.

Eqqagassanik pilersitsisup eqqagassat aaneqarnissaasa tungaanut isumannaatsumik uninngatinnissaasa akisussaaffigivai.

Eqqaavinnut inaalitsiviit taakkualu eqqai aputaajarneqassapput siorarterneqarlutillu ullormi aallerfissami nal. 07.00 nallertinnagu. Eqqagassaasiviit ajornaquteqanngitsumik ammarsinnaallutillu imaarneqarsinnaatitaassapput.

§ 13.8.1 EQQAGASSAT AANEQARSIMANNGITSUT

Eqqakkat aaneqanngippata Sullissivik imaluunniit Teknikkimut Avatangiisinullu Ingerlatsivik attavigineqassapput. Eqqagassat aaneqanngitsoorsimanerat paasineqarpat piaartumik, kingusinnerpaamillu ullunnaat pingasut qaangiunneranni Sullissivik imaluunniit Teknikkimut Avatangiisinullu Ingerlatsivik attavigineqassapput.

Eqqakkat piffissaq eqqorlugu aaneqarsimatinnagit, aammalu eqqagassanik pilersitsisup Sullissivik imaluunniit Teknikkimut Avatangiisinullu Ingerlatsivik ullunnaat pingasut ingerlaneranni nalunaarfisimannagipagit tullissaannik imaarsinissaq sioqqullugu igitassat kommunip eqqagassalerivianut igikkiartorneqarnissaat eqqagassanik pilersitsisup nammineerluni akisussaaffigaa. Tamatumani immikkut aningaasartuutaajunnartut eqqagassanik pilersitsisup akilissavai.

Tamatuma saniatigut aaqqissuussineq "Immikkut eqqagassat" atorlugu iginneqarsinnaapput. Qaavatigut eqqagassat pillugit § 13.6.1 Atuutitsilernissamut taamaatitsinissamullu nalunaarnerit

§ 13.9 ATUUTITSILERNISSAMUT TAAMAATITSINERMULLU NALUNAARNERIT

Nalunaarneq

Eqqagassanik katersisarnermut peqataassallutik inoqutigiit tamarmik pisussaapput.

Kommunip aaqqissugaanut kommunimi Sullissivimmut saaffiginninnikkut atuutitsilernissamut nalunaartoqarsinnaavoq. Atuutitsilernissamut taamaatitsinissamulluunniit nalunaarfissaq kommunip nittartagaani aaneqarsinnaavoq, kiisalu Teknikkimut Avatangiisinullu Ingerlatsivimmut saaffiginninnikkut immersuiffissat pissarsiarineqarsinnaallutik. Ilanngunnissamut atuutitsilernermut taamaatitsinermut nalunaarfissaq pinngitsoorani atorneqassaaq.

Eqqagassanik pilersitsisup inoqutigiit sapaatip akunneranut eqqagaannik amerlassutsinik pisariaqartitaannik imaarsisoqartarnissaanik nalunaarsimanissaat qulakkeertussaataavaa. Eqqagassanik pilersitsisut sapaatip akunneranut amerlassutsinik taaneqartunik imaarsisoqartarnissaanut peqataanissamut nalunaarsimanngitsutut Kommunalbestyrelsip nalilerpagit, eqqagassanik pilersitsisup sapaatip akunneranut qasseriarlutik imaarsiffigineqartarnissaat Kommunalbestyrelsip piumasaqaatigisinnaavaa.

Inoqutigiit taamaaliortussaataagaaluarlutik eqqagassalerinermut nalunaarsimanngitsut kommunalbestyrelsip paasigunigit aaqqissuussinermut ilanngutequllugit illumik piginnittut peqqusinnaavai. Ingasattumik imaluunniit arlaleriarluni unioqqutitsisoqartillugu politiinut nalunaarutiginnittoqarsinnaavoq.

Nalunaarneq allannguinerillu kingusinnerpaamik sapaatip akunneranik ataatsimik siumut ilisimatitsinikkut Kommune Kujallermut nalunaarutigineqartassapput.

Pensionisiallit aammalu siusinaartumik pensionisiallit namminerisaminnik illullit, ataasiinarmik eqqaaviisvillit eqqagassaatikippallaartarunik immikkut akuersinikkut ullut 14-ikkaarlugit eqqaavii imaarneqartarsinnaapput. Piumasaqaatigineqarpoq illumik piginnittoq Kommune Kujallermut immikkut akuerineqarluni ullut 14-ikkaarlugit eqqaaviup imaarneqartarnissaanik allakkatigut qinnuteqassasoq, aammalu illumik piginnittup utoqqalinersiaqartuunini imaluunniit siusinaartumik pensionisiaqarnini uppersarsassagaa. Aamma aallertarnerit ikilineqartinnagit immikkut akuerineqarnissaq qinnutigineqarsimasariaqarpoq akuersissullu tunniunneqarsimasariaqarluni.

Taamaatitsilluni nalunaaruteqarneq

Innuttaasut nalunaarsuiffianni illu najugaqarfigineqanngitsut allassimappat aatsaat kommunimit eqqagassanik aallerfigitittarneq taamaatinneqarsinnaavoq.

Illup minnerpaamik qaammatini pingasuni inoqartannginnera uppersarneqarsinnaappat piffissami tassani akiliinnginnissamik qinnuteqartoqarsinnaavoq. Taamaattoqassappalli illumik piginnittup allakkatigut Kommune Kujallermut nalunaarutigalugulu uppersartariaqarpaa illu sivikinnerpaamik qaammatini pingasuni inoqassanngitsoq, piffissamilu tassani illumiit eqqagassaqarnavianngitsoq. Aamma piumasarineqarpoq akiliinnginnissaq qinnutigineqassasoq aammalu illup qimakkallannginnerani akuersissut tunniunneqarsimassasoq. Akiliinngitsoorsinnaatitaanerli illunut inissiatileqatigiiffiit aqcutigalugit nalunaarsimasunut atuutinngilaq.

Minnerpaamik qaammatini pingasuni akiliinngitsoorsinnaatitaaneq eqqagassanut allanut akiliutinut aamma atuuppoq, matumani eqqagassat annertuut, qillertuusat igalaaminernillu puukut il. il. Akiliinngitsoorsinnaatitaaneq kommunimi ingerlatsinermut, allaffissornermut il. il. aningaasartuutitut matussusiinissamut atuutinngilaq.

Nuunnermi illumik piginnittut taamaatitsinermut nalunaarutiginnittussaataapput. Akiliinngitsoorsinnaatitaanerli illunut inissiatileqatigiiffiit aqcutigalugit nalunaarsimasunut atuutinngilaq. Kommunip aaqqissuussineranik atuisuujunnaarneq Sullissivimmut nalunaarutigineqarsinnaavoq. Atuutitsilernissamut taamaatitsinissamullu nalunaarfissaq kommunip nittartagaani aaneqarsinnaavoq, kiisalu Teknikkimut Avatangiisinullu Ingerlatsivimmut saaffiginnikkut immersuiffissat pissarsiarineqarsinnaallutik. Eqqagassalerinermut ilanngunermut taamaatsitsinermullunniit nalunaarfissaq pinngitsoorani atorneqassaaq.

Illumik piginnittoq taamaatitsilluni nalunaarsimanngippat, atuisussap tulliaata atuisunngorniarluni nalunaarmissaata tungaanut imaluunniit Teknikkeqarfiup atuisuunermik taamaatitsinissaata tungaanut pineqartoq aaqqissuussinermut peqataanerminut akiliisarnissaminik pisussaaffeqarpoq.

Taamaatitsilluni nalunaarneq kingusinnerpaamik sapaatip akunnera sioqqullugu Kommune Kujallermut nalunaarutigineqassaaq.

§ 14 EQQAGASSAT ULORIANARTUT, ATORTUKUT SARFATORTUT AAMMA NILLATAARTITSIVIIT/QERITITSIVIIT

§ 14.1 EQQAGASSAT ULORIANARTUT, ATORTUKUT KALLERUP INNERANOORTUT AAMMA NILLATAARTITSIVIIT/QERITITSIVIIT SUUPPAT

Angerlarsimaffinnit **eqqakkat ulorianartut** tassaasinnaapput eqqiaassutit akuutissaasa sinnikui, uuliakut, pærit atuinikitsut, akkumulatorit, lysstofrørit, qalipaait sinnikui batterillu aammalu puukut eqqakkanik ulorianartunik imallit, assersuutigalugu qalipaatinut spandit, seqqartaait uuliallu puui.

Eqqakkat sarfatortut soorlu qarasaasiat, pappilissanik aniatitsiviit, isiginnaarutit, oqarasuaait sakkullu innaallagissamoortut. Sarfamut tungasut atorsinnaajunnaarnikut tamarmik aaqqissuussinermut ilaatinneqarput.

Nillataartitsiviit/qerititsiviit tassaasinnaapput nillataartitsiviit, qerititsiviit nillusaatillu.

Aaqqissuussineq nakorsaatinut nakorsaatiillu sinnikuinut peqqinnissaqarfimmut tunniunneqartussanut, aallaasit imassaannut sakkutunullu politiinut tunniunneqartussanut, imaluunniit eqqagassanut qaarsinnaasunut, tuniniaasumut iginnissaat isumagisassangortinneqartussanut atuutinngilaq. Eqqakkanik qaarsinnaasunik nassaartoqartillugu politiit attavigineqartassapput.

§ 14.2 EQQAGASSALERINEQ KIKKUNNUT ATUUPPA?

Aaqqissuussineq kommunimi illuutigineqartunut aasarsioarfittut, illuaqqatut allatullu atorneqartunut aammalu kommunimi illoqarfiit nunaqarfiillu illutaanut atuuppoq.

§ 14.3 AAQQUSSUUSSINERMUT NASSUIAAT

Kommune Kujallermi nammineq illuutillit eqqagassat ulorianartut, atortukut sarfatortut kiisalu nillataartitsiviit qerititsiviillu agguissilluni imaluunniit tunioraavinni aaqqissuussinerit aqutugalugit igittassavaat.

Aggiussinermik aaqqissuussineq

Inoqarfinni tamani aggiussinermut aaqqissuussaqqarpoq, tassani eqqakkanik pilersitsisoq nammineq eqqagassaleriffimmut igitassanik ulorianaatilinnik aggiussisussaatailluni imaluunniit nammineq akilerlugu namminersortumik assartuititsinnaalluni.

Eqqagassat maleruaqqusani ukunani aalajangersakkat allat naapertorlugit immikkoortiterneqareersimassapput. Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitsersuutai malittussaallugit. Ingerlatsinermut sulisup nalilissavaa eqqakkat eqqortumik immikkoortiterneqarsimanersut.

Katersuisarneq

Kommune Kujallermi illoqarfinni nunaqarfinnilu eqqagassanik katersititsisoqalernikuvoq, innuttaasut Kommune Kujallermut saaffinninnikkut eqqagassanut ulorianartunut ilioraavimmik aallernissaminnik iniminisinnaapput.

Innuttaasut kommunip eqqagassalerivianut namminneerlutik assartuisinnaanngitsut / assartuerusunngitsut aallertitsinissamat periariffissiaqarnissaat aaqqissuussinikkut siunertarineqarpoq.

Namminneq illullit kommunip nunaqarfiini Sullissivimmuut imaluunniit illoqarfinni teknikkeqarfimmuut saaffinnikkut eqqagassanut ulorianartumik ilioraavimmik piniarsinnaapput.

Eqqagassanut ulorianartunut ilioraaviit kommunip pigivai, taakkulu atukkiunneqartarput eqqagassat ulorianaatillit katersorneqartarniassammata. Eqqagassanut ulorianartunut ilioraaviit tammartut, arlaatigut atornerqarnerani aserorpat nungullarpalluunniit, ikuallattoqarnerani aammalu aserorterisoqarnerani eqqagassanik pilersitsisup taarsiissaaq.

§ 14.4 EQQAGASSAASIVIIT QANOQ ITTUUNISSAAT, UNINNGATITSISARNEQ ASSARTUISARNERLU PILLUGIT PIUMASAQAATIT

Eqqakkanik ulorianartunik uninngatitsineq pissaaq eqqagaasivinni, inissisimani, ilusai matulluarsimani eqqarsaatigalugit, silaannarmik, nunamik, imermik sikumillu mingutsitsisinnajunnaarlugit. Eqqakkat ulorianartut sapinngisamik pooreqqaagaanni pooqartinneqassapput, taamaangippat puuata imai suunersut erseqqissumik nalunaaqutserneqassapput.

Puut eqqakkanik ulorianartunik imallit matuneqarsinnaassapput.

Eqqakkanik pilersitsisoq eqqakkat ulorianartut puunik saligaatsuutitsisussaataavoq, taamaasilluni sinaanut kuuttoqannginnissaa akulerussuuttoqannginnissaa pinaveersaartinneqassammata.

Eqqagassat ulorianartut imerpalasut imaluunniit qajuusaasatut ittut tamatigut poortorneqartassapput. Eqqakkat ulorianartut sapinngisamik pooreqqaagaanni pooqartinneqassapput, taamaangippat puuata imai suunersut erseqqissumik nalunaaqutserneqassapput. Eqqakkat, pujoralammik asbestitallit, bigbagsinut matoqqasunut poorneqartassapput.

Eqqakkat ulorianartut assigiinngitsut puumi ataatsimoortumi poorneqassanngillat, aatsaat illersorneqarsinnaasumik poorneqarsimagunik, aalannguunnissamat userarnissamullu qulakkeerneqarsimagunik ataatsimoortinneqarsinnaapput.

Eqqakkanut inaalitsiviit imaat tamanit tiguneqarsinnaasunngorlugit inissinneqassanngillat. Assersuutigalugu eqqakkat ulorianartut nammineq najugarisap eqqaanut inissinneqassanngillat, meeqqanit uumasunillu imaaliillaanaq passunneqarsinnaasunngorlugit.

§ 14.5 Eqqagassat nalinginnaasut uloriarnartullu

Eqqagassanik tunniussivissamat assartuisoq silaannarmut, nunamut, imermut sermimullu assartuinerup nalaani mingutsitsisoqannginnissaanut akisussaavoq.

Kommune poortuutit pillugit sukumiinerusunik piumasqaateqarsinnaavoq, soorlu poortuutissat aalajangersimasut atornerqarnissaannik peqqussuteqarsinnaalluni.

Tunniussinermi eqqagassat suussusii allallu pillugit paasissutissat attuumassuteqartut tunniunneqartassapput.

Kinaluunniit eqqakkat ulorianartut atorlugit mingutsitsisoq, mingutsitsinermilluunniit ilisimasaqalersoq kommunimut ilisimatitsisussaataavoq.

§ 14.5.1 EQQAGASSANUT ULORIARNARTUNUT ILIORAAVINNIK AALLERNEQ

Eqqagassat ulorianartut aaneqarnissaannik inniminiinermi makku atuupput:

- Eqqagassanut ulorianartunut ilioraavik eqqagassanut ulorianartunut kisiat atornerqaqqusaavoq maleruaqqusat uku naapertorlugit.

- Eqqagassat aaneqarnissaasa tungaanut eqqagassat inoqutigiit akisussaaffigaat.
- Eqqagassanut ulorianartunut ilioraavik ulikkaarpallaarnera peqqutaalluni matujuminaannissaa peqquneqanngilaq, ajornaquteqanngitsumik matuneqarsinnaassaaq.
- Puut ulikkaartut 4 kg-nit oqimaannerussanngillat.

Eqqagassanut ulorianartunut ilioraavimmik aallertitsinissamut attaveqaatissat

Illoqarfinni nunaqarfinnilu eqqagassanut ulorianartunut ilioraaviit aaneqarnissaannut inniminniinissamut Kommune Kujallermut saaffiginnittoqarsinnaavoq. Ima inniminniisoqassaaq:

1. Teknikkimut Avatangiisinullu Ingerlatsivimmut sianerluni uunga, 70 41 00
2. Kommune Kujallermut e-mailernikkut: teknik@kujalleq.gl

§ 15 EQQAGASSAT AMERLASOORSUIT KIISALU SANAARTORNERMIT EQQAGASSAT

§ 15.1 EQQAGASSAT AMERLASOORSUIT KIISALU SANAARTORNERMIT EQQAGASSAT SUUPPAT?

Eqqagassat amerlasoorsuit tassaapput allanngortiterinerni, saliinerni, toqusut pigisaannik aaqqissuussinermi allanilu eqqagassanngortartut eqqagassanik angisuunik igitsisarnikkut isumagineqarsinnaanngitsut. Eqqakkat immikkoortunut sorlernut iginneqassanersut nalornissutigineqarpat, suliamut tunngatillugu Kommunalbestyrelse aalajangiisuusaaq.

Sanaartornermit eqqagassanngortut tassaapput eqqakkat mingutsitsisunik sananeqaatitaqanngitsutut ilimagilluinnarneqarsinnaasut imaluunniit atoqqinneqassagunik avatangiisinut inunnulluunniit ajoqutaasussatut isigineqanngitsut.

Tassa eqqakkat mingutsitsinnaasunik eqqagassartaqassanngillat, soorlu sananaeqaatinik silaannarmut, imermut, sermimut, qaqqamut isumulluunniit mingutsitsinnaasunik akoqassanatik. Eqqakkanut taakkununga assersuutaasinnaasut: qisuit aannaveersakkat, PCB-mik ussissaatit, usserut, paaq, qalipaait lakkillu sinneri il.il..

Sanaartornermi eqqagassanut assersuutit tassaapput: asfalt, beton, gips, savimerngit, issut, ujaqqat (soorlu granit, flint, qaliassiat qalligaanngitsut, qarmasissiat, qaliassiat), qisuit, kiffiutissawt kiisalu igalaat suillisakkat.

§ 15.2 AAQQISSUUSSAQ KIKKUNNUT ATUUPPA?

Aaqqissuussineq kommunimi inoqtigiit illuinut tamanut, illuaqqanut aasarsiorfittut allatullu atorneqartunut kiisalu kommunimi illoqarfinnut nunaqarfinnullu tamanut atuulluni.

§ 15.3 AAQQISSUUSSINERMUT NASSUIAAT

Illoqarfinni aallernissamut aaqqissuussisoqarpoq, taakkunani inuit eqqakkanik kommunip tigooraaviinut angallassinissamik tunniussinissamillu isumaginnittussaataallutik.

Eqqagassat maleraqqusani ukunani aalajangersakkat allat naapertorlugit immikkoortiterneqareersimassapput. Eqqagassanik assartuisartup kommunimi eqqaavinnik ingerlatsisut attavigisussavai eqqakkallu usingiarnissaat pillugit taassuma ilitsersuutai malittussaallugit. Ingerlatsinermut sulisup nalilissavaa eqqakkat eqqortumik immikkoortiterneqarsimanersut.

§ 16 QISUIT EQQAKKAT

§ 16.1 QISUIT EQQAKKAT SUUPPAT?

Qisuit igitat tassaasinnaapput quassuttuut, sallilikkat, pladit imaluunniit listit nutaamik sanaartorfiusunit, nutarteriffiusunit/allanngortiteriffiusunit, isateriffiusunit imaluunniit sanaartorfiusunit pisut.

Qisuk minguiarneqarsimassaaq, soorlu beton, ussissaat fugemasse, kikissat/qinnerit qajannaarsuutillu pīaarneqarsimassallutik.

Qisuit eqqakkat pingasunut immikkoortinneqartarput:

1. Qisuit ingerlaannaq atoqqinneqarsinnaasut
2. Qisuit igitat annikitsumik mingutsinneqarsimasut ikuallanneqarsinnaasut
3. Qisuit mingutsinneqarsimasut immikkut iliuuseqarfigisassat

Pisariaqartinneqarpat qisuit iginneqarsimasut misissoqqissaarnissaannut kommune piumasaqaateqarsinnaavoq.

§ 16.2 EQQQAGASSALERINEQ KIKKUNNUT ATUUPPA?

Aaqqissuussineq kommunimi inoqutigiit illuinut tamanut, illuaqqanut aasarsiorfittut allatullu atorneqartunut kiisalu kommunimi illoqarfinnut nunaqarfinnullu tamanut atuulluni.

§ 16.3 AAQQUSSUUSINERMUT NASSUIAAT

Inoqarfinni tamani innersuussisarnermut aaqqissuussisoqarpoq, tassani eqqakkanik pilersitsisoq nammineq eqqagassaleriffimmut qisunnik igitassanik aggiussisussaataalluni imaluunniit nammineq akilerlugu angallassisartumik namminersortumik angallassisulertussaataalluni.

Qisuit eqqakkat amerlasuugaangata akiliisoqartassaaq eqqagassat amerlasuut kiisalu eqqagassat sanaartorfinneersut pillugit aaqqissuussinerni nassuiarneqartut naapertorlugit.

Nalunaarsuinermit immikkoortitsinerinermullu tunngatillugukommunip innersuussutai malinneqassapput.

Illoqarfiit

Immikkoortumi 1-imi 2-milu qisuit eqqakkat Qaqortumi eqqakkanik ikuallaavimmut imaluunniit Nanortalimmi aamma Nanortalimmi eqqagassanik ulorianartunik tigooraavimmut igitassanngorlugit tunniunneqassapput. Eqqaavimmi sulisumut ingerlatsisumut tunniussisoqartassaaq.

Qisuit igitassat immikkoortoq 3-miittut eqqagassanik ulorianartunik tigooraavinnut tunniunneqartassapput. Eqqaavimmi sulisumut ingerlatsisumut tunniussisoqartassaaq.

Kommunip illoqarfiini pingasuusuni qisuit eqqakkat immikkoortiternerini tamani qisuit tunniunneqannginnerini illoqarfinni eqqakkanik ulorianartunik tigooraavimmut tunniunneqannginnerini annerpaamik 200 x 100 x 50 cm-inik angissusilerlugit aggorneqassapput.

Nunaqarfiit

Nunaqarfinni innuttaasunut sullisiviup innersuussutigissavaa qisuit eqqagassat qanoq ilillugit immikkortoq 1-imut 2-mulluunniit igitassanngortinneqassanersut.

Nunaqarfinni innuttaasunik sullissiviup innersuussutigissavaa qisuit eqqagassat qanoq ilillugit immikkortoq 1-mut igitassangortinneqassanersut.

Nunaqarfinni qisunnut igitassanut tunngatillugu atuuppoq qisuit tunniunneqannginnerini annerpaamik 150 x 75 x 25 cm-inik angissusilerlugit aggorneqassasut.

§ 17 NUNAMERNGIT MINGUTSITAANNGITSUT MINGUTSITALLU

§ 17.1 NUNAMERNGIT MINGUTSITAANNGITSUT MINGUTSITALLU SUUPPAT?

Nunamerngit mingutsitaanngitsut, aamma nunaminertut minguitsutut taasat, tassaapput nunamerngit toqqaannartumik atoqqinneqarsinnaasut.

Nuna mingutsinneqarsimasooq tassaavoq avatangiisinut aamma/imaluunniit jsananeqaatinik ulorianartunik akulik, aammalu avatangiisinik mingutsitsinnaasutut imaluunniit innuttaasut peqqissusaannut uppernarsaatitalimmik aarlerinartorsiortitsisnaasoq.

Nuna mingutsinneqarsimasooq angerlarsimaffinneersuusinnaavoq uuliamut tankimik imaluunniit angerlarsimaffinni nutarterinernut atatillugu pilersinneqarsimasuusinnaavoq. Aamma imaassinnaavoq ajutoortoqarneraneersooq, assersuutigalugu uuliamik ikummatissamik akuutissanilluunniit nunamut kuuttoqarsimaneranit.

Nuna mingutsinneqarsimasooq kommunip marlunnut immikkoortittarpaa, mingutsinneqarnera apeqqutaatillugu:

1. Nunamerngit mingutsitaanngitsut (nunamerngit minguitsut)
2. Nunamerngit mingutsitat (nunamerngit annikitsumik annertuumiluunniit mingutsitat)

Pisariaqartitsineq najoqqutaralugu nunaminertap misissorluaqqissaarnissaa kommunip piumasaaqatigisnaavaa.

§ 17.2 AAQQUSSUUSAAQ KIKKUNNUT ATUUPPA?

Aaqqissuussineq kommunimi inoqtigiit illuinnut tamanut, illuaqqanut aasarsiorfittut allatullu atorineqartunut kiisalu kommunimi illoqarfinnut nunaqarfinnullu tamanut atuulluni.

§ 17.3 AAQQUSSUUSSINERMUT NASSUIAAT

Nunamerngit mingutsitaanngitsut kommunip eqqagassanik tigooraavianut akeqanngitsumik iginneqarsinnaapput. Eqqaavissuarni / atoqqitassanik tigooraavinni nunaminernik mingoqanngitsunik tigooraanissamat aastsaat inissaqartillugu aaqqissuussineq atuuttassaaq. Tunniussinermit sulisoq saaffigineqassaaq taassumalu qalluinermit immikkoortiterinermullu ilitsersuussutai malinneqassallutik.

Nuna mingutsinneqarsimasooq pillugu Teknikkimut Avatangiisinullu Ingerlatsivimmut nalunaarutigineqassaaq, qanoq iliorluni iginneqarnissaanut innersuussisoqarniassamat. Nunamik mingutsitsisoqarsimaneranik pasitsaassineq aamma nalunaarutigineqassaaq.

Nalunaaruteqarneq imatut iliuuseqarnikkut pisinnaavoq:

3. Teknikkimut Avatangiisinullu Ingerlatsivimmut sianerluni uunga, 70 41 00
4. Kommune Kujallermit e-mailernikkut: teknik@kujalleq.gl
5. Teknikkeqarfimmut, Kommune Kujalleq, Postboks 514, 3920 Qaqortoq allakkatigut nassiussinermit

Nuna mingutsinneqartoq igitsinissamat periusissamik Teknikkimut Avatangiisinullu Ingerlatsivik innersuussitinnagu iginneqassanngilaq.

§ 18 QAMUTIT MOTORILLIT UMIATSIALLU ATORUNNAARSUT

§ 18.1 QAMUTIT MOTORILLIT UMIATSIALLU ATORUNNAARSUT?

Biilit atorunnaarnikut angallatillu atorunnaartut assersuutigalugu tassaapput inuit namminneq biilii, snescooterit aamma ATV-t, angallassissutissatut naleqqukkunnaarnikut.

§ 18.2 AAQQUSSUUSQAQ KIKKUNNUT ATUUPPA?

Aaqqussuussineq kommunimi inoqutigiit illuinut tamanut, illuaqqanut aasarsiorfittut allatullu atorneqartunut kiisalu kommunimi illoqarfinnut nunaqarfinnullu tamanut atuulluni.

§ 18.3 AAQQUSSUUSSINERMUT NASSUIAAT

Kommunimi inoqarfinni tamani innersuussisarnermik aaqqissuussisoqarpoq, taakkunani eqqakkanik pilersitsisartuq Qaqortumi, Narsami Nanortalimmilu eqqakkanik kommunip tigooraavianukaassinissamik pisussaaffeqarluni.

Qamutitik motorilinnik umiatsianillu kommunip eqqagassalerivianut igitsisoqartinnagu taakku iluarsaassisarfinni avatangiisinut mingutsitsisinnaajunnaarsinneqaaqqaassapput najoqqutassat makku najoqqutaralugit:

Avatangiisinut mingutsitsisussaajunnaarsitsineq mekanikerimit ilinniarsimasumit suliarineqassaaq. Suliaq pitarneqarsinnaanngitsunik allequtserluni suliarineqartassaaq, taamaalilluni kuuffikkut kuutsinneqartussaannngitsunik kuutsitsisoornermi katersorneqariaannaalluni. Suulluunniit ingutserlugit peerneqarsimasut nassuiarneqarsinnaassapput.

Qamutit motorillit umiatsialluunniit igitassanngorlugit tiguneqannginnerini atortut makku peerneqarsimassapput:

- Airbagsit peerneqassapput pullatsereersimaneqassallutillu
- Bremsii asbestitalit peerneqassapput
- Benzintank aamma benzin
- Akkumulatorit aqerlullit
- Pertujaallisaatit aqerlortallit
- Unissaatit imerpalasortaat/bremsevæske
- Assakaasut qalequtai kummit
- Elektronik
- Gear aamma hydraulikolie gearkassemiit bagtøjimiillu pisut
- Katalysatorit
- Koblingip imerpalasortaa
- Kviksølvkontaktit
- Nillusaat
- Motorimut uulia
- Nikkel-Cadmium akkumulatorit
- Oliefilterit
- Pneumatiske systemit uuliaat
- Servostyringip uuliartaa

- Qitequtaasat
- Sprinklervæske
- Silaannarmik naqitamik imallit / qatserutit

Illoqarfiit

Illoqarfinni qamutit motorillit umiatsiallu atorunnaarsut eqqaavissuarmut tunniunneqartassapput.

Igitsinermut atatillugu avatangiisinut mingutsitsisussaajunnaarlugit misissorneqarsimanagerat pillugu uppenarsaammik takutitsisoqassaaq. Uppenarsaateqanngippat kukkusumik immikkoortiterinermut akiliisitsisoqassaaq.

Nunaqarfiit

Nunaqarfinni suliffeqarfiit qamutitik motorilinnik umiatsianillu igitsisussat eqqakkanik Qaqortumi, Narsami Nanortalimmilu eqqagassanik tigooraavinnut akuerisanut igitsiartortitsinissaminnut aningaasartuutinillu akiliinissaminnut pisussaaffeqarput.

Igitsinermut atatillugu avatangiisinut mingutsitsisussaajunnaarlugit misissorneqarsimanagerat pillugu uppenarsaammik takutitsisoqassaaq. Uppenarsaateqanngippat kukkusumik immikkoortiterinermut akiliisitsisoqassaaq.

§ 19 EQQAKKAT ANGISUUT

§ 19.1 EQQAKKAT ANGISUUT SUUPPAT?

Eqqagassat angisuut tassaapput atortussiat atorunnaakkat, soorlu pequtit, madraasit, natersuit, papkassit, pigisat atorunnaakkat, isiginnaarutit, sikkiilit, meeqqat qamutaat, qerititsiviit, nillartaaritsiviit assigiissaallu.

Nalinginnaasumik atortut atavissut eqqakkanut angisuunut tunngatillugu aaqqiissummut ilaatinneqarneq ajorput. Tassa assersuutugalugu perusersartarfiit asaffiillu. Allangortiterinerni, ingutserinerni, iluarsaassinerni kiisalu nutaanik sanaartornerni igitassat igitassanik angisuunik katersisarnermut ilaangillat.

Eqqakkanik angisuunik aallertarnermut ilaangillat toqusoqarsimatillugu pisattanik tamanik aallerneq imaluunniit anisitsisoqarsimatillugu pigisat amerlasuunik aallerneq. Eqqagassanik angisuunik eqqaasarnermut aamma ilaangillat igitassat nalinginnaat, nunniutit, eqqakkat avatangiisinut ulorianartut aammattaaq eqqakkat atoqqinneqarsinnaasut. Taakku immikkut iginneqartarput.

§ 19.2 AAQQUSSUUSQAQ KIKKUNNUT ATUUPPA?

Aaqqissuussineq kommunimi inoqutigiit illuinut tamanut, illuaqqanut aasarsiorfittut allatullu atorneqartunut kiisalu kommunimi illoqarfinnut nunaqarfinnullu tamanut atuulluni.

Eqqakkanik pilersitsisartut tamarmik eqqakkanik angisuunik, atoqqitassanik inaalitsivimmumut, taama ittumik pilersitsisoqarsimappat, toqqaannartumik tunniunneqartunik aallersinnaatitaapput.

Isumannaallisaaneq allallu pequtugalugit kommunip eqqakkanik ulorianartunik tigooraavimmiit eqqagassanik angisuunik imaluunniit eqqakkanik allanik aallerneq inertequtaavoq.

§ 19.3 AAQQUSSUUSSINERMUT NASSUIAAT

Aggiussinermik aaqqissuussineq

Inoqarfinni tamani innersuussisarnermut aaqqissuussisoqarpoq, tassani eqqakkanik pilersitsisoq nammineq eqqagassaleriffimmumut eqqakkanik angisuunik aggiussisinnaatitaavoq imaluunniit nammineq akilerlugu angallassisartumik namminersortumik angallassisulertussaataalluni.

Eqqagassanik pilersitsisut suliffeqarfiup biilii atorlugit inoqutigiinnit eqqagassanik angisuunik igitisut inuussutissarsiornikkut sullinneqartutut naatsorsuunneqartarput, taamaalillunilu akit allattorsimaffii atuuttut naapertorlugit akileeqquneqassallutik, apeqqutaatinnagu igitisut ilisimatitsinikuunersut imaluunniit isumaqarnersut eqqagassat inoqutigiinnit ataasiakkaanit arlalinniluunniit eqqagassaanersut. Eqqagassat suussusilersugaanerit assigiingissuteqarpat qamutit nalunaarsimanerinit uppersaatait kommunimit piumasarineqarsinnaapput.

Eqqagassat angisuut amerlalluinnaraangata eqqagassat angisuut pillugit kiisalu sanaartorfinnit eqqagassat pillugit aaqqissuussinerni nassuiarneqartutut akiliuteqartitsisoqartassaaq.

Katersuisarneq

Qaqortumi illoqarfinnilu allani katersuisoqartarmat innuttaasut Kommune Kujallermut saaffiginnillutik eqqagassanik angisuunik aallertitsisinnaapput.

Innuttaasut kommunip eqqagassalerivianut namminneerlutik assartuisinnaanngitsut / assartuerusunngitsut aallertitsinissamut periariffissiaqarnissaat aaqqissuussinikkut siunertarineqarpoq.

§ 19.3.1 ILLOQARFINNI EQQAGASSANIK ANGISUUNIK KATERSINEQ

Eqqagassat angisuut aaneqarnissaannik inniminiinermi makku atuupput:

- Kommunimut nalunaarutigineqassaaq eqqakkat suut aaneqartussatut kissaatigineqarnersut.
- Pialuutit minnerit eqqakkat puuinut qaamasunut poortorneqassapput.
- Igitassat arlalinngorlugit katiterneqarsimasut sapinngisamik isaterneqassapput. Assersuutigalugu tassaasinnaavoq nerrivik qisuk saviminernik niululik.
- Pappi pertiterneqassaaq allunaasamillu qilersorneqarluni.
- Eqqagassat angisuut aaneqarnissaannut aqaguppat siusinnerpaamik unnukkut inississinnaavatit, ullorlu aaneqarfissaanni kingusinnerpaamik nal. 07.00 inissillugit.
- Eqqagassat angisuut aqquuserngup kikkulluunniit atorsissaasaannut qaninnermut imaluunniit kommunillu sumiiffimmik isumaqatigiissutaasumut ilineqassapput.
- Eqqagassat angisuut maleruaqqusat uku naapertorlugit immikkoortiterneqrasimasut kisimik aaneqarsinnaapput.
- Eqqagassat aaneqarnissaasa tungaanut eqqagassat inoqutigiit akisussaaffigaat.

Amerlassusii, oqimaassusii angissusiilu pillugit piunasaqaatit

Illumit ataatsimiit amerlanerpaamiit suut assigiinngitsut 15-it tiguneqarsinnaapput (pigisat, attarmoortut, puut).

Immikkoortoq ataatseq annerpaamik angissuseqassaaq 0,5 x 1 x 1 m. annerpaamillu oqimaassuseqassalluni 15 kg-nik.

Suut angisuut ingutserneqarsinnaanngitsut, soorlu errorsiviit assigisaallu imaluunniit pequtit, 30 kg tikillugu oqimaassuseqarsinnaapput annerpaaffigissallugillu 2 x 1 x 1 m.

Illoqarfinni eqqagassat annertuut aaneqarnissaannut attaveqaatit

Illoqarfinni eqqagassat aaneqarnissaannut innuttaasut Kommune Kujallermut saaffiginnissinnaapput. Ima inniminniisoqassaaq:

1. Teknikkimut Avatangiisinullu Ingerlatsivimmu sianerluni uunga, 70 41 00
2. Kommune Kujallermut e-mailernikkut: teknik@kujalleg.gl

§ 20 IGALAAMERNGIT QILLERTUUSALLU IGITASSAT

§ 20.1 IGALAAMERNGIT QILLERTUUSALLU IGITASSAT SUUPPAT?

Igalaamerngit igitassat tassaapput puiaasat puukullu igalaamerngit (asiunaveersakkat il.il.) utertittagaanngitsut, igalaaminernik puut allat aammalu puukut aseqqukut.

Qillertuusat tassaapput qillertuusat imaqanngitsut utertittagaanngitsut kiisalu asiunaveersaakkanut qillertuusat saviminiusut.

Aaqqissuussinermut ilaanngillat igalaamerngit akuutissanik, nakorsaatinik ikuallajasunillu sinnikullit. Taakku eqqagassatut ulorianartut tunniunneqassapput.

Puiaasat utertittakkat niuertarfinnut utertinneqartassapput.

§ 20.2 AAQQUSSUUSQAQ KIKKUNNUT ATUUPPA?

Aaqqissuussineq kommunimi inoqtigiit illuinut tamanut, illuaqqanut aasarsiorfittut allatullu atorneqartunut kiisalu kommunimi illoqarfinnut nunaqarfinnullu tamanut atuulluni.

§ 20.3 AAQQUSSUUSSINERMUT NASSUIAAT

Piffinni taakkunani aaqqissuussineq aggiussisarlungi aallertarnerivoq, tassa innuttaasut igalaaminernik qillertuusanillu containerinut igitarsinnnaasarput, kommunillu eqqakkat aasarlugit.

§ 20.4 EQQAGAASIVIIT

Teknikkimut Avatangiisinullu Ingerlatsivik igalaaminernut qillertuusanullu containerinik naleqquttunik pisillunilu inissiissaaq.

§ 20.5 EQQAGAASIVINNIK INISSINEQ

Igalaaminernut qillertuusanullu containerit qanittumut naleqquttumut inissinneqassapput. Teknikkimut Avatangiisinullu Ingerlatsivik containerinik inissiillunilu, aserfallatsaaliillunilu eqqiluutsuutissaaq.

§ 20.6 EQQAGAASIVIIT ATORNEQARNERAT IMMERNEQARTARNERALLU

Igalaaminernut containerit immikkoortoq § 20.1-imi nassuiarneqartutut igalaaminikuinnarnut atorneqassapput.

Qillertuusanut containerit immikkoortoq § 20.1-imi nassuiarneqartutut qillertuusaannarnut atorneqassapput.

§ 20.7 SALIGAATSUUTITSINEQ

Teknikkimut Avatangiisinullu Ingerlatsivik igalaaminernut qillertuusanullu atugassanik containerinik eqqiluutsuutissaaq.

§ 20.8 AALLERNEQ

Igalaaminernik qillertuusanillu eqqaaviit tamanut atugassianngortitat aalajangersimasumik akuttussusilimmik imaarneqartassapput. Imaarneqartarnerisa akuttussusiat Teknikkimut Avatangiisinullu Ingerlatsivimmit aalajangerneqartassaaq.

§ 21 TIGOORAAVIMMUT / ATOQQITASSANNGORTITSIVINNUT AAQQUISSUUSSINERIT

§ 21.1 AAQQUISSUUSSAQ KIKKUNNUT ATUUPPA?

Aaqquissuussineq kommunimi inoqtigii illuinnut tamanut, illuaqqanut aasarsiorfittut allatullu atorneqartunut kiisalu kommunimi illoqarfinnut nunaqarfinnullu tamanut atuulluni.

§ 21.2 EQQAGASSANIK TIGOORAAVIMMUT / ATOQQITASSANNGORTITSIVINNUT AAQQUISSUUSSINERIT SUUPPAT?

Kommunalbestyrelse Kommune Kujallermi eqqagassanik tigooraavinni/atoqqitassanngortitsivinni 14-ini ornigutsisisinnaalersimapput, eqqagassanik pilersitsisut eqqagassaminnik igitsiartorsinnaalerniassammata.

§ 21.3 EQQAGASSANIK TIGOORAAVIMMUT / ATOQQITASSANNGORTITSIVIMMUT ORNIGUSSINNAANEQ

Kommunip eqqagassanik tigooraaviata/atoqqitassanngortitsiviata atornissaa sioqqullugu kommunalbestyrelsip piunappagu innuttaasooq Kommune Kujallermi najugaqarnermut uppernarsaammik takutitsissaaq, assersuutigalugu sumi najugaqarnermut uppernarsaat.

§ 21.4 EQQAGASSANIK TIGOORAAVIMMI / ATOQQITASSANNGORTITSIVIMMI IMMIKKOORTITERINERIT

Eqqagassat kommunip eqqagassanik tigooraaviani/atoqqitassanngortitsivimmi iginneqartartut minnerpaamik igitassat ima agguataarneqartassapput:

- Eqqagassat poortugassat (ass. asbest, PVC aqitsoq, kiffiutissat, qarماسissiat, perusuersartarfiit atortui)
- Assakaasut qeqqatigut siviminertaqanngitsut
- Igalaamerngit puiaasallu
- Savimerngit
- Issoq
- Eqqagassat ulorianartut
- Eqqagassat annikitsut ikuallassinnaasut
- Eqqakkat angisuut ikuallassinnaasut
- Qalorsuit qassutillu oqimaalutaqanngitsut

Kommunimi eqqagassanik tigooraavimmu/atoqqitassanngortitsivimmu igitsiartortoqaraangat eqqagassat Kommune Kujalliup akisussaaffigilertarpai, taamaammat Kommune Kujalliup aalajangertarpaa eqqagassat sumut iginneqassanersut.

Kommunip eqqagassanik tigooraaviani/atoqqitassanngortitsiviani nammineq atugassanik katersisoqaqqusaanngilaq.

Illoqarfiit

Kommunip illoqarfiini eqqagassanik tigooraavimmut/atoqqitassanngortitsivianut igitsiartorniaaraanni ingerlatsinermi sulisut attavigineqassapput. Ingerlatsinermi sulisut eqqagassanut ilisarnersuutit atoqusaat malinneqassapput.

Ingerlatsinermut sulisut nalilersussavaat eqqagassat immikkoortiternerat eqqortuunersut aammalu eqqagassat sumut inissinneqassanerlugu innersuussissallutik.

Nunaqarfiit

Kommunip nunaqarfiini eqqagassanik tigooraavimmut/atoqqitassanngortitsivianut igitsiartorniaaraanni Sullissivik attavigineqartassaaq. Sullissiviup eqqagassanik usingiaanermut innersuussutaat malinneqassapput.